

Dr. Edward Cheung cu retonan nobo den NASA pa e proximo añanan

ORANJESTAD - E reto pa Edward Cheung awor aki na NASA ta trahamento di robotnan cu lo bay den espacio pa por drecha ekiponan ora nan dañá. NASA ya no ta mandando hende mas den espacio. Awor nan ta bay traha robot cu lo bay tuma luga di e ser humano.

EXPERIENCIA CU ZERO GRAVEDAD

Dr. Cheung ta na Aruba den cuadro di Green Aruba y a splica cu e tabata tin un año masha hopi yena cu actividad. E año aki el a bula riba e Zero G Flight di NASA y a bay den Zero Gravedad 120 biaha. Esey ta un experimento y aventura masha unico na unda e por a experencia falta di gravedad y esey tabata algo cu tur esnan cu a participa a

disfruta di dje. Nan a haya bon resulta di e experimento tambe.

TECNOLOGIA DEN ESPACIO

E meta di e vuelo tabata pa test tecnologia cu nan lo bay uza den espacio, cu nunca a uza prome cu esaki. E team kier haya sa con e material cu nan a uza a comporta den zero gravedad. Prome cu esey a bay den un tanki di awa, pero awa no ta mescos cu zero gravedad. Dor di esey a haya un vuelo riba e zero gravity plane di NASA y haci e experimentonan ey.

DRECHAMENTO DI SATELITE

Dr. Cheung a sigui conta cu su grupo na NASA ta ocupa cu test y diseñá sistemanan pa traha riba satelite den espa-

cio cu robot. Awor cu no tin shuttle mas y e mecanismo pa manda humano den espacio ta pa bay drecha satelite y kier haci esaki cu robot. E grupo di Cheung ta uzando e tecnologia ey pa drecha satelite. Esey ta un direccion hopi excitante pa e grupo y lo ta algo cu lo ta yen di tecnologia y yen di promesa cu lo bay rende fondo pa Merca pa asina nan por drecha satelitenan y no mes-ter manda ningun hende.

Esaki ta e retonan pa e proximo añanan esey lo ta e meta di e team aki, pa drecha satelite den espacio cu robot.

COLABORANDO CU GREEN ARUBA

Cheung ta haya cu Aruba a bay dilanti masha hopi mes. Manera semper cu e bin tur año pa e conferencia di Green



Aruba, e ta mira esey. E ta masha orguyoso cu por participa na un conferencia asina y tur año e lo bira mas y mas grandi y importante manera un conferencia di investigacion. Cheung ta honra di por haci su tarea pa e conferencia aki. □